

Frelimo's gee hul oor aan SAP

Deur Johan de Waal

DRIE swaar gewapende Frelimo-soldate het hulself oergisteraand tydens Operasie Blitz, 'n landwyse misdaadvoorkomingsoperasie van die Polisie, in Noord-Natal aan die Polisie oorgegee.

Volgens brig. Leon Mellet, woordvoerder van mnr. Adriaan Vlok, Minister van Wet en Orde, het die soldate hulself oorgegee kort nadat

hulle die grens tussen Suid-Afrika en Mosambiek oorgesteek het. Die Polisie het beslag gelê op 'n RPG 7-vuurpyllanseerder, 'n AK 47-aanvalsgeweer en vyf RPG-vuurpyle.

Brig. Mellet het gesê die mans word vir ondervraging aangehou en sal daarna waarskynlik na Mosambiek gedeporteer word.

Beeld het gister verneem dat Renamo-rebelsoldate eergisteraand die Ponta do Ouro-basis, wat deur Frelimo-regeringsmagte beheer

word, aangeval het. Renamo beskik tans oor 'n sterk magsbasis in die sulde van Mosambiek.

Die Frelimo-soldate in die basis het gevlug, waarna dié drie hulle aan die Polisie oorgegee het.

Volgens brig. Mellet is twintig Mosambiekse burgers wat die grens oorgesteek het, ook aangekeer. "Die mense sal na Mosambiek gedeporteer word sodra die nodige reëlings getref is," het brig. Mellet gesê.